

Ո Ր Ո Շ ՈՒ Մ թիվ - 253
Վարչական տույժ նշանակելու մասին

«22» հունիսի 2022թ.

ք. Երևան

ՀՀ պետական եկամուտների կոմիտեի իրավաբանական վարչության պետ Ա. Մնացականյանս, քննելով Անդրեյ Իվանի Աբդուլովի վերաբերյալ նյութերը.

Պ Ա Ր Ձ Ե Ց Ի՝

2022 թվականի մայիսի 16-ին ՀՀ ՊԵԿ ԱՄՎ Բազրատաշենի մաքսային կետ-բաժնի աշխատակիցները զննման են ենթարկել ՌԴ-ից ՀՀ ժամանած Անդրեյ Իվանի Աբդուլովի կողմից վարվող «DAF» մակնիշի, թիվ C520TK174 պետական հաշվառման համարանիշի բեռնատարը և BA037966 պետական հաշվառման համարանիշի «SCHMITZ S01» մոդելի կիսակցորդը, որը տեղափոխել է ՌԴ Վերին Լարսում թիվ 10803040/140522/049415 տարանցման հայտարարագրով ձևակերպված՝ Հայկ Ռուբիկի Հայրապետյանին պատկանող ապրանքների: Չննության արդյունքում պարզվել է, որ բեռնատար ավտոմեքենայի կցորդում առկա է չհայտարարագրված մետաղյա տարաներով յուղի նմանվող զանգված՝ 400 լիտր ընդհանուր ծավալով: Համաձայն 16.05.2022թ մաքսային զննման ակտի մաքսային մարմինների կողմից դրված մաքսային ապահովման միջոցները վնասված չեն եղել:

Փաստի առթիվ վարորդ՝ Անդրեյ Իվանի Աբդուլովի նկատմամբ ՀՀ մաքսային օրենսգրքի 203-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն:

ԵԱՏՄ մաքսային օրենսգրքի 2-րդ հոդվածի 26-րդ կետի համաձայն՝ «փոխադրողն» այն անձն է, որն իրականացնում է ապրանքների և (կամ) ուղևորների փոխադրում (տրանսպորտային փոխադրում) Միության մաքսային սահմանով և (կամ) մաքսային հսկողության տակ գտնվող ապրանքների փոխադրում (տրանսպորտային փոխադրում) Միության մաքսային տարածքով:

ԵԱՏՄ մաքսային օրենսգրքի 142-րդ հոդվածի համաձայն՝ «Մաքսային տարանցում» մաքսային ընթացակարգը կիրառվում է Միության մաքսային տարածքով, ինչպես նաև Միության անդամներ չհանդիսացող պետությունների տարածքներով օտարերկրյա և Միության ապրանքների փոխադրման համար:

ԵԱՏՄ մաքսային օրենսգրքի 302-րդ հոդվածի 3-րդ մասի համաձայն՝ Միության ապրանքները Միության անդամներ չհանդիսացող պետությունների տարածքներով Միության մաքսային տարածքի մի մասից Միության մաքսային տարածքի մեկ այլ մաս փոխադրման համար ենթակա են «մաքսային տարանցում» մաքսային ընթացակարգով ձևակերպման:

ԵԱՏՄ մաքսային օրենսգրքի 83-րդ հոդվածի համաձայն «մաքսային տարանցում» մաքսային ընթացակարգի հայտագրման դեպքում որպես հայտարարատու կարող են հանդես գալ փոխադրողը, այդ թվում նաև՝ մաքսային փոխադրողը, առաքողը, եթե նա Մաքսային միության անդամ պետության անձ է:

ԵԱՏՄ մաքսային օրենսգրքի 84-րդ հոդվածի 2-րդ կետով սահմանված են հայտարարատուի պարտականությունները, այն է՝ հայտարարատուն պարտավոր է՝ կատարել ապրանքների մաքսային հայտարարագրում, մաքսային մարմին ներկայացնել մաքսային հայտարարագրում ներկայացված տեղեկությունները հաստատող փաստաթղթեր, իսկ 3-րդ կետի համաձայն՝ հայտարարատուն, մաքսային միության անդամ պետությունների օրենսդրությանը համապատասխան, պատասխանատվություն է կրում:

ԵԱՏՄ մաքսային օրենսգրքի 308-րդ հոդվածի 1-ին կետի համաձայն՝ Միության անդամներ չհանդիսացող պետությունների տարածքներով Միության մաքսային տարածքի մի

մասից Միության մաքսային տարածքի մեկ այլ մաս Միության ապրանքների փոխադրման դեպքում փոխադրողը, անկախ «մաքսային տարանցում» մաքսային ընթացակարգ ձևակերպված ապրանքների հայտարարատուն լինելու հանգամանքից, պարտավոր ապահովել ուղարկող մաքսային մարմնի կողմից սահմանված ժամկետում ապրանքներն դրանց փաստաթղթերը հասցնել ապրանքների առաքման վայրը, ապահովել ապրանքնել մաքսային կապարակնիքների և կնիքների, կամ նույնականացման այլ միջոցներ պահպանվածությունը: Թույլ չտալ ապրանքների բեռնաթափումը, փոխաբեռնում (վերաբեռնումը) և դրանց հետ կատարվող բեռնային այլ գործողությունների իրականացում ինչպես նաև այդ ապրանքները փոխադրող տրանսպորտային միջոցների փոխարինում Միության անդամներ չհանդիսացող պետությունների տարածքներում՝ առանց ուղարկ մաքսային մարմնի թույլտվության:

ՀՀ մաքսային օրենսգրքի 189-րդ հոդվածի համաձայն՝ մաքսային կանոնների խախտում համարվում անձի կողմից կատարված անօրինական գործողությունը կամ անգործությունը, ուղղված է Հայաստանի Հանրապետության մաքսային օրենսդրությամբ և մաքսային ոլորտ առնչվող Հայաստանի Հանրապետության միջազգային պայմանագրերով Հայաստան Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և ու համար սույն օրենսգրքով նախատեսված է պատասխանատվություն: Ֆիզիկական պաշտոնատար անձինք մաքսային կանոնները դիտավորյալ կամ անզգուշորեն խախտել համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի 1-ին պարբերության համաձայն Հայաստանի Հանրապետության մաքսային սահմանով տեղափոխվող ապրանքները տրանսպորտային միջոցները չհայտարարագրելը կամ ոչ իրենց անվանմամբ հայտարարագրել կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում մաքսային վճարների (բացառությամբ մաքսավճարի) պակաս հաշվարկում կամ չհաշվարկում, ինչպես նաև ոչ սակագնային կարգավորման միջոցների չկիրառում հանցագործության հատկանիշների բացակայության դեպքում՝ առաջացնում է տուգան նշանակում՝ 50 հազար դրամի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոններ խախտման վերաբերյալ գործը քննվում է վարչական պատասխանատվության ենթարկված անձի մասնակցությամբ: Գործը կարող է քննվել նաև տվյալ անձի բացակայության դեպքում եթե քննության տեղի ու ժամանակի մասին սահմանված կարգով նրան տեղյակ է պահված սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

ԵԱՏՄ մաքսային օրենսգրքի 107-րդ հոդվածի 1-ին մասի համաձայն՝ տարանցման հայտարարագրում նշվում են հետևյալ տեղեկությունները՝ հայտարարատուի, փոխադրող մասին, ապրանքներն ուղարկող երկրի և նշանակման երկրի մասին, այն տրանսպորտային միջոցի մասին, որով տեղափոխվում են ապրանքները, ապրանքների անվանման, քանակի արժեքի մասին՝ տրանսպորտային (փոխադրման) փաստաթղթերին համապատասխան ապրանքների ծածկագրի մասին, ապրանքների համաքաշի կամ ծավալի մասին, ինչպես նաև ապրանքների քանակը՝ արտահայտված չափման լրացուցիչ միավորներով և տեղեկությունների մասին:

2022 թվականին հունիսի 22-ին Անդրեյ Իվանի Աբդուլովը և Հայկ Ռուբիկի Հայրապետյանը հրավիրվել են ՀՀ ՊԵԿ իրավաբանական վարչություն՝ ՀՀ մաքսային օրենսգրքի 203-րդ հոդվածի հատկանիշներով սկսված վարչական գործի քննությանը մասնակցելու համար սակայն չեն ներկայացել:

Այսպիսով, նյութերով պարզվել է, որ թիվ 10803040/15522/049415 տարանցման հայտարարագրով ՀՀ տեղափոխված ապրանքներին կից վերոհիշյալ ապրանքի համար հայտարարագիր չի լրացվել, այսինքն՝ Անդրեյ Իվանի Աբդուլովը թույլ է տվել ՀՀ մաքսային օրենսգրքի 203-րդ հոդվածի 1-ին մասի 1-ին պարբերությամբ նախատեսված մաքսային կանոնների խախտում, ինչը հիմնավորվում է մաքսային զննման ակտով և մաքսային կանոնների խախտման վերաբերյալ կազմված արձանագրությամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 203-րդ հոդվածի 1-ին մասի 1-ին պարբերությամբ, 206 և 221-րդ հոդվածներով,

Ո Ր Ո Շ Ե Ց Ի՝

1. Անդրեյ Իվանի Աբդուլովին (անձնագրի համար՝ 66N1199646) ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 1-ին պարբերությամբ և նրան տուգանել 50.000 դրամ: /վճարումը 900005024055 հաշվեհամարին, կողմ 19/

2. Որոշման մասին հայտնել Ա. Աբդուլովին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադառնալով մաքսային մարմին՝ այն կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ

ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՑԱԿԱՆՅԱՆ